



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Liber De Prudentia Ivstorvm**

**Juan <de Jesús María>**

**Coloniae Agrippinae, MDCXIV**

Cap. XIX. Hortatur ad zelum animarum.

[urn:nbn:de:hbz:466:1-46940](#)

*Hortatur ad zelum animarum.*

PER IT mundus , ò filij, & infinitus  
est numerus stultorum per viā per-  
ditionis velociter currentium : & non  
est qui doleat vicem pereuntium. Ego  
fudi sanguinem meum , vt educerem  
homines de lacu miseriæ , & de luto  
fecis, & statuerem supra firmam petrā  
pedes eorum: & non est qui adimpleat  
ea , quæ desunt passionum mearum, in  
corpore meo, quod est Ecclesia. Nam  
de iis, qui foris sunt, mirum est, quanta  
sit obliuio, & alienatio mentis. Prin-  
ceps tenebrarum Satan circuit terram,  
& perambulat eam, quasi Dominus,  
gloriaturque' se innumerabiles popu-  
los prædari, & exiguum esse numerum  
eorum, qui salui fiunt . Et tamen multi  
serui mei, qui succurere possent paruu-  
lis potentibus panem, vel etiam iis, qui  
fame pereunt , & panē postulare ne-  
sciunt, non miserentur proximorum,  
quasi Deus non mandassent vnicuique  
de proximo suo: Quid dicam vobis ser-  
ui mei , qui ad misericordiam specta-

K

culo

culo pleo doloris non mouemini?  
Quomodo non liquefunt viscera ve-  
stra super fratribus vestris, qui à facie  
tempestatum famis deficiētes clamāt,  
Vbi est triticum, & vinum? Quomodo,  
qui zelum habere videmini, non festi-  
natis ad pauperculos ignorantes viam  
Domini, ut dirigatis pedes eorum in  
viam pacis? Crudeles estis Adæ filij, qui  
tanta calamitate non mouemini ad sa-  
lute m fratum, per longas peregrina-  
tiones, & nauigationes quærarendam.  
Festinate filij ad morientes adiuuādos,  
antequam expirēt, & claudatur ianua,  
extendite conatus vestros usque ad a-  
lienigenas, & Tyrum, & populuin Ae-  
thiopum: ut per vos, quos tabescere fa-  
cit zelus meus, annuntietur annus re-  
demptionis in vniuersa terra. Quod si  
talentum ad conuersionem animarum  
non habetis; rogate saltem feruentissi-  
mis suspiriis Dominum messis, ut mit-  
tat operarios multos in messem suam;  
ut sine zizaniis, congregetur purum  
triticum in horreum eius. Beati eritis,  
si & vos fideles serui mei fueritis, &  
celo domus mee extimulati publicis,

vel

vel priuatis actionibus reduxeritis alios ad cultum, & amorem meum. Ego vos tenerrimè amabo: & quia fecistis rem hanc, nec vestrę commoditati, vel vitæ pepercistis, multiplicabo filios vestros, & multa cum exultatione videbitis semen longæuum. Ego vos de prælio reuertentes amantissimè amplectar, ut in Ecclesia magna mea, sine fine mecum ietemini, & bibatis de torrente infinitæ voluptatis meæ.

CAP. XX.

Monet Prædicatores.

FILII charissimi, quos vocaui ad ministerium verbi mei, vt essetis initium aliquod creaturæ spiritualis, cordis auribus audite me. Ego posui vos, vt fructum afferretis, & annuntiaretis verbum crucis, quod est Iudæis scandalum, & Gentilibus stultitia. Nam quia non cognouit mundus per sapientiam Deum, placuit mihi, per stultiā prædicationis, saluos facere credētes. Misericordia vestra, ut me crucifixum, doloribus, & opprobriis saturatum prædicaretis, nō